

7
VIRIS

EXPERIENTISSIMIS,

BENIAMIN GOTTHELF KNOTHE,
GOTTLOB FRIDRICH RICHTER,
IOHANN IACOB BILLING,

GRATVLATVR

NVPER ADEPTOS DOCTORIS HONORES

COLLEGII DISPVTATORII,

QVOD SVB VIRI AMPLISSIMI ATQVE EXPERIENTISSIMI

IOHANN EHRENFRIED POHL,

MED. ET PHIL. D. PROF. BOTANICES, PHISICI PROV.

MODERAMINE FLORET

INTERPRES,

CHRISTIAN GOTTHOLD FELLER

MED. CVLT.

Infunt quaedam de Enematibus, atque noua fumum tabaci infiandi methodus.

LIPSIAE VII. ANTE KAL. IVLII MDCCLXXXI.

TYPIS VIDVAE BÜSCHELIAE.

Πάντα μὲν καθὰ τοὺς καθάρους.

VIRIS OPTIMIS
DOCTORIBVS EXPERIENTISSIMIS

S. D. P.

CHRISTIAN GOTTHOLD FELLER.

Mirabimini forsan *DILECTISSIMI AMICI*, me, qui semper sine furore atque dolo *VOS* dilexi immo amavi, me *VOBIS* Getas Sarmatasque almanne patriam tendentibus, jam finium comitatus loco dare, haud secus ac si id commerueretis amore vestro firmatae amicitiae. Iam vero *VOS* me, meumque animum ingenium atque probum bene nostis, atque tale quid, alio, ac medico sensu a me expectari extimescere non posse, perspectum habetis puto atque demonstratum. Ideoque non opus est ut me ea ex causa excussem, alia nimirum restat, eaque admodum gravis deprecatio. Meus enim ordo veniebat, mihi, *VESTROS* honores, felicitatem *VESTRAM* et, prohi dolor! cum his conjunctum iter *VOBIS* gratulari incumberebat, mihi, qui Vobiscum praesertim vero cum *KNOTHIO* meo vixi conjunctissimus. Poteritne in tanta animi conturbatione, ubi summa laetitia cum acerbissimo dolore luctans, mentem quatiant, docta gratulatio, eaque elegans expectari? Habetis igitur causam eamque uti opinor admodum justam excusationis, egoque nullus dubito, *VOS* mihi daturos esse veniam, si levis haec scriptio doctrinae *VESTRAE* hujusque saeculi felicitati parum fuerit accommodata. Nunc vero nil, pia praeter vota susceperunt. Progrediamini igitur semel ingressa virtutis atque honorum semita, cujus januam *VESTRA* solida eruditio, animique candor *VOBIS* patefecit, defruamini omni felicitatum genere, quod

VESTRA meaque expectatio *VOBIS* spondent. *Vnicuique* tandem *Ouidianum* illud acclamare liceat

Viue sine inuidia mollesque et glorijs annos
Exige, amicitias et Tibi junge pares.
Nam pede inoffenso spatium decurrere vitae
Dignus es, et fato candidiore frui
Quae pro te vt voueam miti pietate mereris,
Haesuraque mihi tempus in omne fide.

Ego vero cum optimis comilitonibus plane non dubito, fore, vt
VOS, vel in aulae splendido domicilio vel in amicorum, parentumue
sinu atque amplexibus, nostrorum, nunquam obuiiscamini, nos
autem conabimur id quouis studiorum, amicitiaeque testimonio, et si
amicitiae demonstrandae opportunitas nulla juppetat, VESTRI can-
doris reminiscencia commereri. Et ita valete.

Si longus atque diuturnus medicationis cujusdam usus, de ejus eximia virtute ac vi optime nos conuincit, sane valebit hoc de clysteribus; siquidem antiquissimum usum enematum esse, vel ex eo patet, quod ex antiquorum monumentis intelligimus, veteres Egyptios eorum utilitatem atque applicationem a ciconiae genere, Ibin vocabant, didicisse, eamque medicamenta applicandi methodum ob egregias quas demonstrabat virtutes, in vniuersum terrarum orbem derepente dimanasse. Ac sane relictis hisce traditionibus commentisue, vel ipsa sana ratione haud sit obscurum intellectu, quoduis medicamentum eo citius atque melius scopum suum attingere debere, quo propius atque ocyus affecto loco id possit applicari. Iam vero cum hoc de enematibus omnino valeat, intellectu facillimum est, qui fiat ut adeo frequenter vnum clyisma plus efficiat ac ante cathartidorum amphorae, quibus nimirum tenuium intestinorum illi maeandri prius permeandi sunt, ac ad locum vbi apprime agendum est, hoc est, ad crassa intestina atque in iis indurata scybala perueniant, ibique desideratum effectum operentur. Enimuero [cum hic non primarius finis clysmatum sit, verum haec chirurgia insuper, pro varia miscela atque compositione, varios ut anodynos, reuulsorios, ¹⁾ nutritios et ²⁾ anthelminticos edat effectus, latus omnino pateret campus super ea re differendi, quam vero disquisitionem, siquidem id, tum de aliis doctioribus iam fufius explanatum est ³⁾ tum etiam hujusmodi scriptiunculae arte

A 3

circum-

1) Quamuis haec, nutritia nimirum eorum vis a multis doctis negetur, inter quos Etmulterus, eminet qui in sua Dissert. de liquorum infusione, conclus. VI. §. 3. id potissimum vrget; commonstrauit tamen eam Ill. TRIL-
LERVS singulari propemptico, Opuscul. P. I. p. 399. reperiundo, vbi, pro eximia quae ei est elegantia rem inde a medicinae incunabulis deriuat atque demonstrat.

2) Iam CELSO cognitos vid. de Med. Lib. IV. c. 17. sub fin.

3) REGNER DE GRAAF in Operibus 1677. Lugd. Batav. et LAN-
ZONVS propria dissert. Ferariae 1691. Folio edita, de ea re egere.

circumscripti limites haud patiuntur sicco praeteribo pede. Quid autem in vniuersum clysmatis notio significet, in hacce disquisitione non videtur praetermittendum. Vbi quidem omnes mecum facile consentiant, vel ex ipso ἐνυμῶ intelligi Clyisma vel Enema nihil aliud esse praeter eam operationem vbi fluidum corpus, in animalis excavatas partes injicitur vel intruditur ⁴⁾, quo ibidem salutaris effectus operetur. Quae quidem definitio quamuis omnino rei vniuersam comprehendat ambitum, haud tamen valuit tantum, ut non chirurgi diuisionem fecerint aliquam, eaque clysmata quibus intestina purgant, clysmata vel enemata κατ'ἐξέχην; reliqua vero injectiones simplici verbo appellatauerint ⁵⁾. Vltiorem vero horum injectionum disquisitionem singulari libello prosecutus est *Experient. BERGMANN*, nunc Budissae ob felicem praxin clarius ⁶⁾.

Haecce vero clysmata a tot inde retro saeculis vsurpata, haud dubie simplicissima suppelleaeile applicata fuisse, inuentorum quorumcunque euincitur ἀναλογία, cui quidem sententiae eo majus robur accedit, quo recentiora ea inuenta sunt, quibus eorum compendiosior ac mundior redditur adhibendi methodus. Nimirum proximo saeculo demum descripsit *GVILIELMVS* ille *FAURICIVS*, quem *Hildanum* ⁷⁾ dicunt, apparatus, quo quilibet sibi met-

ipfi

4) Clyster, abluitio, lotio. (vid. *Cels. Lib. II. C. 12.*) α κλυξεν vel κλυσσέν lavare, ἐνέμα ab ἐνιμι infundo.

5) Antiquitus quamuis vana atque parum determinata clysmatum fuerit denominatio, siquidem illi tum materiam, quae injicitur subintellegerunt, tum locum, quod clysteri vesiculi, auriculari, ophthalmico nomen dedit, tamen videtur mihi celsus *Lib. VI. c. 7. sect. 9. eod. Lib. C. 18. Sect. 2. Lib. VII. C. 26. Sect. 5. et eod. Lib. C. 27.* per oricularium clysterem machinam intelligere.

6) *Dissert. Inaugur. de injectionibus Chirurgicis 1757. Lipsiae ventilata.*

7) *IOANNES SCVLTETVS* in *Armament. Chir. Tab. 45.* jam tale quid commonstrat, luculentius vero declarat rem *Hild. Obser. Centur. I. Obs. 78.*

ipſi ejusmodi medicinam adhibere poteſt, vbi quidem, vti ex delineatione eluceſcit, veſica ſupereſt, ea tamen cum cautione vt, duorum epiſtomiorum ope, omnis a ligulis extimeſcenda ſpurcietas firmiſſime arceatur. Paulo poſt autem inualuerat jam apud exteras gentes mos, ope ſyringae clyſmata injicendi, qui vero apud germanos chirurgos vti ex Heiſteri Chirurgia Tom. II. p. 1035. diſcimus, non obtinuit, potius antiqua methodus ad medium fere huius quod viuimus ſaeculi fuit reſeruata. Iam enim inter Batauos prior ſeculo clyſmata per ſyringam injecta fuiſſe, ex REGNERI DE GRAAF verbis in expoſitione figurae inueniendis eluceſcit⁸⁾, qui egregius vir non ineptum putauit, pudicitiae conſulere muliebri, et eapropter ſuis operibus ſingularem adjunxit tractatum de nouo inſtrumento, quo etiam eminus miniſter vel ipſe aegrotus, ſi ei tantum virium ſuperfuerit, ſibimetipſi clyſma applicare poteſt, vbi, ſyringae ceu noti inſtrumenti notionem injicit⁹⁾.

Ad haec igitur tempora vsque adhibebantur madida tantum enemata, vsque dum denique ex non ita pridem inuenito nouo orbe, a barbaris gentibus ad nos, noua ſiccorum clyſmatum aduecta fuit ſpecies. Non enim tantum, a NICOTIO, Vliſippo, Lutetias Pariſiorum tranſmiſſa planta traumatica virtute celebris erat, neque ſufficiebat quod Pharmacopolae, vnguenta, ſpecies diatabaci, cerata, ſyrupos tabaeinos, et id genus alia venditarent, verum, paulo poſt adhibebatur herba Sanctae crucis luxui, idque varia ſub forma. Medici europaei vero, edocti quod ſumus huius herbae, in iliaca paſſione, colicis aſſectionibus, atque ſuffocationibus omnibus fere, ab Americae incolis feliciffimo ſaepe cum euentu, per anum infle-

tur,

8) In operibus ſupra laudatis p. 667.

9) Eodem loco machinae anglicanae dictae mentionem injicit. In germania vero primus de ea ſcripſit ALHARD HERRMANN CVMME, qui 1667 ad Elsnerum Berolinenſem ſcribit, ſe in metaſtaſi catameniorum per anglicum inſtrumentum quo tabaci ſumus inflatur, mulierculae opem tuliffe. Ephem. Nat. Cur. Cent. I. Obſ. 95.

tur, id sibi dictum putabant, et ab initio, per duos syphones, quibus fumum haurimus, deinde vero per propriam fistulam id efficere meditabantur. Erat ille canalis flexilis, ex filo metallico super cylindrum cochleae in modum flexo, cui animale intestinum ¹⁰⁾ superinducebant paratus; isque loris implicatus canalis, demonstrabat elegantiam aliquam atque mundum, quo ab inventorum simplicitate quam maxime recedebat. Quamquam vero hic apparatus multum commodi habere videbatur, erat tamen hacce admodum nauseosa operatio, quandoquidem necessario is qui eam instituebat, prius sugendo buccas fumo implere, deinceps vero collectum fumum flatu in destinatum locum propellere cogebatur. Hicce vero applicandi modus, potest, praeter id quod admodum injucundus atque nauseabundus est, operanti etiam nocivus euadere atque deleterius, isque, praesertim si debilioris habitus, aegrique admodum obstructa fuerit aluus, poterit nisi pulmonibus suis damnum inferre plane irreparabile. Hac re commoti cogitauerunt varii iique egregii viri de suppellestilis emendatione, ac sane, eorum conamina non frustranea fuisse, docent inuentae atque divulgatae machinae GAVBII, DE HAEN, SCHAFFERI, LOBSTEINIQUE, quibus omnino RICHTERVS Goettingensis, non eo nomine quod ipse emendationem addiderit, sed idcirco potissimum adjungendus videtur quod, omnia ea quae circa hanc operationem noua inuenta concernunt in egregia sua Bibliotheca chirurgica divulgauit. Iam vero cum ceu per morbum aliquem chirurgica instrumenta vbiunque locorum si quae mihi sese offert occasio, perlustro atque contemplor, id sane etiam feci, in eo instrumentorum genere de

10) STISSERVS Helmstädiensis, quondam medicinae professor fusi-
us haec explanat in Epistola de machinis fumiductoriis curiosis, sive fu-
mum impellendi intra corp. hum. instrumentis etc. ad illust. Vir. magn. Soc.
Angl. Reg. data. Hamburg. 1686. vid. etiam DECKERVS in exercitatu. practi-
cis p. 795. et VALENTINI in Polychrestis exot. p. 73.

de quo nunc potissimum agitur. Qua in re Clarissimi HEBENSTREITII singularis in me beneuolentia me admodum iuuat; is enim communicauit mecum ex instructissimo quod ei est armamentario chirurgico praeter lobsteinianam, cuius copiam experientissimus RICHIER medicus obstetricius Zittauiensis, mihi fecit; omnes fere reliquas machinas, ita, vt de earum vtilitate, pro capto mediocritatis meae aliquid concludere potuerim. Quamuis vero non eo consilio vt optimos viros atque emendatores carperem eorum perlustrarim instrumenta, tamen haecce mihi semper visa sunt omnibus atque singulis inesse incommoda vt, quod primum est, admodum composita ideoque cara, deinceps vero ob ipsam nimiam compositionem haud adeo esse possint diuturna. Quod meum iudicium quaecumque fuerit, tamen eo me redegit vt, de noua, in qua fumus valulas vel epistomia permeare non debet, quod sordidas atque inutiles machinas reddat, et cuius ventilatio communis syringae ope perficiatur, quaedam meditarer. Sunt quidem jam in Chirurgorum scriptis exempla syphonum, qui continuo riuulo liquida protrudunt, quae BARTHOLINVS ¹¹⁾ et GARENGEOT ¹²⁾ descripsere. Hi autem syphones a nostro consilio ea ratione differunt, quod sypho ipse sine reliquo apparatu vsum habet plane nullum, cum contra in nostra, vt iam asseruimus, quiuis adhiberi possit. Est autem praeter cylindrum syphonis quem, vt pote satis notum, non attingam, machinae meae sequens fabricatio. Cuboideum cauum ligneum corpus Fig. 1, superiore sua parte cannula instructum est, cuius apertura syphonis canulam firmiter in se recipiat, duo latera huius cubi perforata sunt

quadratis

11) In suo tractatu de methodo viscera praeparandi per iniectiones liquorum, qui annexus est libello, de Diaphragmatis structura noua ad Cosmum III. Herruriae Ducem. Paris 1776. 8.

12) Nouveau traité des Instruments de Chir. Second Edit. 1727. Tom. 2. p. 365. sq.

quadratis foraminibus, e regione oppositis, cuius vnum ab interiore parte munitum est valvula, ex ligno, alura superinducto confecta quae aëri ingredienti quidem ingressum concedit, egressum vero, elatere vrgente coercet. Opposito vero latere res se habet inuerso modo ita, vt egrediens quidem aër libere fluat, redeunti vero iter praecludatur. Huic exteriori valvulae superinducta est alia minor theca, quae ipso loco qui valvulae respondet, canalem habet aëris vltiorem progressum in fistulam ¹³⁾ coriaceam, et per eam ad capsam qua Tabacum continetur, dirigentem. Altera eaque princeps fere pars in machinis eiusmodi omnibus ea est, quae herbam ipsam continet. Ac ea quidem solet alias pyri referre figuram, quam ego in cylindrum commutavi, cum quae ceterae vix non omnes cochlearum ope firmentur, aliam, eamque compendiosiore aequae tamen firmam fieri curavi coniunctionem. Nimirum cylinder ex orichalcea lamina paratus tres pollices longus, operculum habet, margine duas tertias pollicis alta instructum, ita tamen duobus locis eliminatum vt, mediantibus duobus clauiculis simili ratione, qua militum sicae, quae ab vrbe Bajonna nomen habent sclopetis, ita etiam vasculo neatur. Ex fundo autem vasculi procedit canalis qui cum coriacea fistula communicat, vltima autem cannula ano iniicienda omne instrumentum absoluit. Vtus eius atque adhibitio haec est: impletur vasculum ea Tabaci specie quae a canistris nomen habet, quam HEISTERVS optime conuenire ex sua demonstrat experientia, ad remanentiam duarum linearum quod spatium fungo vulgari impletur, accenditur fungus et operculum ocyssime applicatur vasculo; syphonis autem interea cubo applicati embolus extrahitur et intruditur leniter, quo motu vti neminem physicarum rerum non penitus ignarum nescire arbitror aër syphonis cylindrum ingreditur per id foramen, cuius valua interiora spectat intrans. Cum vero per illud redire ob ipsam

valuulam

13) Hi canales conueniunt cum eo STISSERI omnino, atque ab loricapiis sub nomine *geflochtene Pfeifenröhre* venundantur.

valuulam non possit, transadigitur is per vasculum nicotiana factum, et fumus ab incenso tabaco oriundus per cannulam, aegrotantis inijcitur corpori. Ceterum, quanta vi reliquas machinas haecce mea superet tum experientia propria mihi demonstratum est, tum etiam poterit illud quilibet ex egregia vi, quam syphones in eiaculandis aquis exerunt sibi ipsi declarare atque intelligere. Nunc vero nihil, expositionem figurarum praeter, superesse videtur.

Iconum et litterarum explicatio.

Fig. 1. Demonstrat cuboideum ligneum corpus, cui sypho imponitur, vbi quidem

- lit. a) cannulam corneam, syphonem recipientem,
- b) corpus ipsum,
- c) thecam seu eam cavitatem, quae excludentem valuulam in se continet
- d) vero, cannulam cum fistula coriacea communicantem significant.

Fig. 2. Idem corpus perpendiculariter dissectum (*en profil*) ostendit, litterarum autem significatio talis est, vt

- a) cannulam vti in priori iconismo,
- b) valuulam interiora patulam atque elatere eiusmodi munitam, quales organorum pneumaticorum opifices, in Pneumatophilacia (*in die Windladen*) collocant,
- c) valuulam aërem excludentem,
- d) cauum a thecula efformatum,
- e) cannulam cum fistula coriacea ope cochleae coniungendam;
- f) denique ligneam compagem demonstrant.

Fig. 3. Exhibet vnum latum modo descripti corporis, cum loco atque apertura foraminis naturali magnitudine.

Fig. 4. Capsulae discissae exponit faciem, et quidem,

- a) Clauiculas, aeneae laminae adferruminatas,
- b) cribrum in fundo capsae positum, atque cinerum ulterio-
rem progressum impediens, cuius vberiore demonstrationem octaua icon habet,
- c) canalem, cum secunda fistula coriacea cohaerentem, com-
monstrat debita magnitudine.

Fig. 5. Operculum discissae Capsulae similiter discissum praestat.

Fig. 6. Idem operculum ab interna facie consideratum, vbi

- a) foraminula, per quae aer intrat, b) marginem ob oculos ponit.

Fig. 7. Externam speciem eiusdem operculi, vbi simul incisio eius-
que figura per appositam stellam discernitur.

Fig. 8. Cribrum superius Fig. 4. indigitatum sistit cum foraminulis,
cuius dissectionem

Fig. 9 praeberet. Eius vero litera

- a) exponit, qua ratione foraminula confici debeant, ne a
fuligine occludantur, conica nimirum ea esse debet figura,
quod nostri opifices (*eingesenkt*) vocant;
- b) vero marginem ostendit, qui praecauet, ne, si cribrum
capsulae immititur illud transuersim cadat.

Fig. 10. Compositum omnem apparatus exhibet. Et quidem lit-
terarum significatus talis est:

- a) Syphonem eiusque situm,
- b) corpus cuboideum,
- c) capsam, quae nicotianam in se continet,
- d) cannulam, quae aegroto applicatur,
- e) et f) vero fistulas coriaceas ostendunt.

Est aliquid prodire tenus si non datur ultra.

